

**ZAPISNIK O RADU 14. SJEDNICE  
GRADSKOG VIJEĆA GRADA SARAJEVA  
ODRŽANE 28.03.2018. GODINE U VIJEĆNICI**

Broj: 01-GV-02-434 /18

Datum: 28.03.2018. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.** Prisutni su bili sljedeći gradski vijećnici:

- |                         |                            |
|-------------------------|----------------------------|
| 1. Mr. Hazim Bahtanović | 15. Prof.dr. Velija Katica |
| 2. Bajro Biber          | 16. Miro Lazović           |
| 3. Mr. Vedad Deljković  | 17. Almedin Miladin        |
| 4. Vedran Dodik         | 18. Snežana Omukić         |
| 5. Mr. Tea Mušić        | 19. Mr. Srđan Simonović    |
| 6. Samir Fazlić         | 20. Srđan Srdić            |
| 7. Sanela Holjan        | 21. Mr. Sead Srna          |
| 8. Edina Gabela         | 22. Barbara Peleš Stroil   |
| 9. Dr. Igor Gavrić      | 23. Adnan Talić            |
| 10. Nuko Grebović       | 24. Nihad Uk               |
| 11. Adnan Gušo          | 25. Toni Vukadin           |
| 12. Reuf Hafizović      | 26. Mr. Miroslav Živanović |
| 13. Mr. Vibor Handžić   |                            |
| 14. Mira Jurić          |                            |

Odsutni: Dado Stojnić, Lana Velić (najavljeno odsustvo)

Pored gradskih vijećnika, sjednici su prisustvovali:

1. Mr. Abdulah Skaka, Gradonačelnik
2. Milan Trivić, zamjenik Gradonačelnika,
3. Safet Krajišnik, sekretar Gradskog vijeća,
4. Sanjin Smajlović, pravobranilac Grada Sarajeva,
5. Amela Kolovrat, pomoćnik Gradonačelnika za finansije,
6. Elvir Hadžiahmetović, pomoćnik Gradonačelnika za evropske integracije i EU fondove
7. Dragana Solaković, pomoćnik Gradonačelnika za lokalnu samoupravu i razvoj grada,
8. Amina Deljković, pomoćnik Gradonačelnika za obrazovanje, kulturu, sport i mlade,
9. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
10. Esad Tanović, direktor JP „Sarajevo“, d.o.o.
11. Muamer Halilbašić, direktor Ekonomskog instituta u Sarajevu
12. Maja Arslanagić Kalajdžić, profesor na Ekonomskom fakultetu Univerziteta u Sarajevu

**Predsjedavajući Gradskog vijeća Igor Gavrić** je pozdravio prisutne gradske vijećnike i goste, te otvorio 14. sjednicu Gradskog vijeća Grada Sarajeva, konstatacijom da sjednici prisustvuju 23 gradska vijećnika, da je gradska vijećnica Lana Velić najavila izostanak, a ostali gradski vijećnici koji još nisu prisutni, kašnjenje.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), usvojilo je Zapisnik o radu 13. sjednice Gradskog vijeća Grada Sarajeva održane 14.03.2018. godine.

\*\*\*

**Predsjedavajući Gradskog vijeća Igor Gavrić** je najavio razmatranje prijedloga dnevnog reda sjednice i dao uvodne napomene sljedećeg sadržaja.

Uz prijedlog dnevnog reda, gradskim vijećnicima su dostavljeni materijali sa izvještajima radnih tijela Gradskog vijeća, održanih u pripremi 14. sjednice Gradskog vijeća, kao i saglasnosti zamjenika Gradonačelnika na materijale kojima je Gradonačelnik predlagač.

Zatim je pozvao na jedinstvenu raspravu o aktima koji su predloženi za razmatranje u formi prijedloga, a po proceduri koja zahtjeva izjašnjavanje Gradskog vijeća o prethodnom pitanju, a to su akti predloženi za razmatranje u formi prijedloga po skraćenom postupku:

- Odluka o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima
- Odluka o dodjeli nagrade „Sarajevska pahuljica“ (*Ismail Zulfić*).

te po hitnom postupku:

- Odluka o davanju imena gornjoj stanici „Trebevičke žičare“ Ramo Biber.

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je prijedlog da se Odluka o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima razmatra u formi prijedloga po skraćenom postupku.

\*\*\*

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 23 glasa “za”, jednim glasom “protiv” i bez “suzdržanih” glasova prisutnih gradskih vijećnika, usvojilo je prijedlog da se Odluka o dodjeli nagrade „Sarajevska pahuljica“ (*Ismail Zulfić*) razmatra u formi prijedloga po skraćenom postupku.

\*\*\*

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 22 glasa “za”, bez glasova “protiv” i uz dva “suzdržana” glasa prisutnih gradskih vijećnika, usvojilo je prijedlog da se Odluka o davanju imena gornjoj stanici „Trebevičke žičare“ Ramo Biber razmatra u formi prijedloga po hitnom postupku.

\*\*\*

U raspravi o prijedlogu dnevnog reda sjednice, sudjelovali su **Gradonačelnik Abdulah Skaka** i **Predsjedavajući Gradskog vijeća Igor Gavrić**.

Poslije rasprave, na poziv Predsjedavajućeg Gradskog vijeća Igora Gavrića, Gradsko vijeće **Grada Sarajeva, jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je dnevni red 14. sjednice Gradskog vijeća Grada Sarajeva:

1. **Prijedlog Odluke o dodjeli nagrade „Sarajevska pahuljica“ (Ismail Zulfić)**
2. **Prijedlog Odluke o davanju imena gornjoj stanici “Trebevičke žičare” Ramo Biber**
3. **Izveštaj o radu Gradskog vijeća Grada Sarajeva za 2017. godinu**
4. **Izveštaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine**
5. **Izveštaj o radu Pravobranilaštva Grada Sarajeva za 2017. godinu**
6. **Izveštaj o izvršenju Budžeta Grada Sarajeva za period 01.01.-31.12.2017. godine**
7. **Prijedlog Odluke o usvajanju Regulacionog plana “Bojnik II” s Prijedlogom Odluke o provođenju Regulacionog plana “Bojnik II”**
8. **Prijedlog Odluke o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima**
9. **Izveštaj o provođenju Odluke o utvrđivanju sportskih manifestacija od značaja za Grad Sarajevo u 2017. godini**
10. **Informacija JP „Sarajevo“ d.o.o. o namjenskom korištenju prostora Vijećnice za period 01.01. – 31.12.2017. godine**
11. **Informacija o upisu učenika u srednje škole sa područja Grada Sarajeva u školskoj 2017./2018. godini**
12. **Informacija o spolnoj strukturi Gradskog vijeća i radnih tijela Gradskog vijeća i drugih organa i tijela koje imenuje Gradsko vijeće Grada Sarajeva sa Informacijom Gradonačelnika o zastupljenosti spolova u organima i tijelima Grada Sarajeva i gradskim preduzećima**
13. **Informacija o učincima ulaganja u organizaciju javnog dočeka za prethodne tri nove godine (2018., 2017. i 2016.)**
14. **Vijećnička pitanja i inicijative**

Prije nastavka rada po usvojenom dnevnom redu sjednice, **Predsjedavajući Gradskog vijeća Igor Gavrić** je najavio prezentaciju o postupku koji je u toku i razmatranim kriterijima za utvrđivanje cijene vozne karte za „Trebevičku žičaru“.

Ovu, ranije najavljenju temu kao informativni materijal, prezentirao je direktor JP „Sarajevo“, d.o.o. Esad Tanović.

U neformalnoj raspravi koja je uslijedila, gradski vijećnici i Gradonačelnik su iznijeli svoje stavove, mišljenja, prijedloge i sugestije, te postavili određena pitanja na koje je prezentator odgovarao i davao dodatna obrazloženja.

Zatim se **Predsjedavajući Gradskog vijeća Igor Gavrić** zahvalio JP „Sarajevo“, d.o.o. što su informacije, vezane za utvrđivanje cijene karte za prijevoz žičarom, podijeljene sa Gradskim vijećem i Gradonačelnikom, te je konstatirao da će, po osnovu prezentacije, te mišljenja i sugestija iznesenih u diskusijama gradskih vijećnika i Gradonačelnika, formulirati i podnijeti inicijativu JP „Sarajevo“, d.o.o. pod tačkom dnevnog reda Vijećnička pitanja i inicijative i zatražiti podršku tako podnesenoj inicijativi, kako bi ona postala inicijativom Gradskog vijeća.

\*\*\*

#### **Ad 1) Prijedlog Odluke o dodjeli nagrade „Sarajevska pahuljica“ (Ismail Zulfić)**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Komisija za izbor i imenovanja, a da je predloženu odluku razmatrala i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (sedam gradskih vijećnika se nije izjasnilo), usvojilo je Odluku o dodjeli nagrade „Sarajevska pahuljica“ (Ismail Zulfić) kako je predložena.

#### **Ad 2) Prijedlog Odluke o davanju imena gornjoj stanici “Trebevičke žičare” Ramo Biber**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač odluke Gradonačelnik, te da se predložena odluka razmatra po hitnom postupku.

Uvodne napomene, u funkciji predlagača, dao je **Gradonačelnik Abdulah Skaka**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (sedam gradskih vijećnika se nije izjasnilo), usvojilo je Odluku o davanju imena gornjoj stanici “Trebevičke žičare” Ramo Biber kako je predložena.

#### **Ad 3) Izvještaj o radu Gradskog vijeća Grada Sarajeva za 2017. godinu**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Kolegij Gradskog vijeća, da su materijal razmatrala sva radna tijela Gradskog vijeća, te da su izvještaji radnih tijela dostupni gradskim vijećnicima, a zatim je podnio uvodno izlaganje.

U raspravi je sudjelovao **gradski vijećnik Samir Fazlić**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, **jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika (sedam gradskih vijećnika se nije izjasnilo), usvojilo je Izvještaj o radu Gradskog vijeća Grada Sarajeva za 2017. godinu kako je predložen.

\*\*\*

Uslijedila je kratka rasprava **gradskog vijećnika Vibora Handžića i Predsjedavajućeg Gradskog vijeća Igora Gavrića** o Poslovničkom pitanju.

#### **Ad 4) Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnio Gradonačelnik, da su materijal razmatrala sva radna tijela Gradskog vijeća, te da su izvještaji radnih tijela dostupni gradskim vijećnicima.

Uvodne napomene, u funkciji predlagača, dao je i **Gradonačelnik Abdulah Skaka**.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika, na prijedlog Komisije za pitanja mladih, usvojilo je sljedeći zaključak:

**Zadužuje se Gradonačelnik da razmotri mogućnost izdvajanja sredstava koja bi se planirala za realizaciju projekata za mlade, u okviru usvojene politike, a već pri predlaganju rebalansa budžeta za tekuću godinu, i posebno pri predlaganju budžeta Grada Sarajeva za 2019. godinu, kao i pri donošenju Dokumenta okvirnog budžeta Grada Sarajeva za naredni trogodišnji period.**

\*\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 16 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Izvještaj o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine kako je podnesen.

#### **Ad 5) Izvještaj o radu Pravobranilaštva Grada Sarajeva za 2017. godinu**

U uvodnim napomenama Predsjedavajući Gradskog vijeća Igor Gavrić podsjetio je gradske vijećnike da je Izvještaj podnio gradski pravobranilac, te da su materijal razmatrale Administrativna komisija i Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 16 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Izvještaj o radu Pravobranilaštva Grada Sarajeva za 2017. godinu kako je podnesen.

#### **Ad 6) Izvještaj o izvršenju Budžeta Grada Sarajeva za period 01.01.-31.12.2017. godine**

U uvodnim napomenama Predsjedavajući Gradskog vijeća Igor Gavrić podsjetio je gradske vijećnike da je Izvještaj podnio Gradonačelnik, da su materijal razmatrala nadležna radna tijela, Administrativna komisija i Odbor za budžet i finansije, te Komisija za Statut i akte, kao i da su izvještaji radnih tijela dostupni gradskim vijećnicima.

**Gradski vijećnik Samir Fazlić** je iznio svoje stavove, odnosno uputio određena pitanja, u diskusiji koja je imala sljedeći sadržaj.

Gradsko vijeće, u protekloj godini, nije podržavalo amandmane Kluba gradskih vijećnika Naše stranke, upućene na Prijedlog Odluke o izmjenama i dopunama Budžeta Grada Sarajeva za 2017. godinu, niti na Prijedlog Budžeta Grada Sarajeva za 2018. godinu.

Uz podneseni Izvještaj o izvršenju Budžeta Grada Sarajeva za 2017. godinu, dostavljeno je vrlo skromno obrazloženje. O utrošku budžetskih sredstava po pojedinim planiranim stavkama, u prošloj godini, gradski vijećnici su se mogli upoznati iz Izvještaja o ostvarivanju politike Grada Sarajeva i aktivnostima Gradonačelnika Grada Sarajeva za period od 01.01. do 31.12.2017. godine ( Udruženje „Bedem “, Akademija za liderstvo, Udruženje “Kuća kulture” i sl).

U Izvještaju o izvršenju Budžeta koji se razmatra, navedena je stavka “Spomenik ubijenim građanima grada Sarajeva - 10.000,00 KM”. Prema izvještaju o radu Gradonačelnika, ova sredstva su prosljeđena SABNOR-u za početak realizacije inicijative za izradu i podizanje spomenika. Klub gradskih vijećnika Naše stranke, pri razmatranju prijedloga rebalansa Budžeta u prošloj godini, predložio je da se navedeni iznos poveća na 20.000,00 kako bi se projekt stvarno i pokrenuo. Budući da nisu poznate informacije o toku aktivnosti na realizaciji projekta, potrebno je dodatnim obrazloženjem upoznati gradske vijećnike o načinu korištenja ovih sredstava, odnosno o rezultatima proizvedenim zahvaljujući izdvajanju i usmjeravanju sredstava Budžeta Grada Sarajeva kako je to navedeno u Izvještaju.

Na primjer, sredstva planirana za kapitalna ulaganja su izvršena sa 62%, a za ugovorene usluge 96%, ali obrazloženje Izvještaja ne sadrži informaciju o tome na što su stvarno i s kojim ciljem, ova sredstva utrošena.

Potrebno je obrazloženje Izvještaja o izvršenju Budžeta, dopuniti sadržajnim obrazloženjem kako bi gradskim vijećnicima bilo, u potpunosti, jasno na što su utrošena budžetska sredstva Grada Sarajeva, sredstva građana Grada Sarajeva, a ukoliko nisu utrošena u odgovarajućem planiranom iznosu, zašto nisu.

Na primjer, na koji način su utrošena sredstva planirana u iznosu od 10.000,00KM za izgradnju spomenika ubijenim građanima opkoljenog Sarajeva 92-95? Da li je SABNOR dostavio Gradu Sarajevu izvještaj o utrošku navedenih sredstava od 10.000,00KM za pokretanje realizacije inicijative i, ako jest, što je osnovni sadržaj takvog izvještaja?

Uz Izvještaj o izvršenju Budžeta Grada Sarajeva za 2017. godinu i pri izvještavanju o izvršenju Budžeta ubuduće, očekuje se detaljno i jasno, uz formalno kvantitativno, i sadržajno kvalitativno obrazloženje izvršenja budžeta po pojedinim planiranim stavkama - projektima, sa rezultatom, odnosno izvještajem o ostvarenim ciljevima planiranog i izvršenog Budžeta Grada Sarajeva.

Formalne odgovore na pitanja i dodatna obrazloženja dala je **Amela Kolovrat, pomoćnik Gradonačelnika za finansije.**

\*\*\*

Poslije kratke rasprave o poslovnim pitanjima u kojoj je sudjelovao **gradski vijećnik Vibor Handžić**, na prijedlog **Gradonačelnika Abdulaha Skake, Predsjedavajući Gradskog vijeća Igor Gavrić** je konstatirao da će se, na osnovu tonskog zapisa sjednice Gradskog vijeća, formulirati iznesena rasprava i dostaviti Gradonačelniku, kako bi Gradonačelnik dostavio pisane odgovore na postavljena pitanja, odnosno traženu dopunu obrazloženja Izvještaja o izvršenju Budžeta Grada Sarajeva za 2017. godinu.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 16 glasova “za”, tri glasa “protiv” i uz dva “suzdržana” glasa prisutnih gradskih vijećnika, usvojilo je Izvještaj o izvršenju Budžeta Grada Sarajeva za period 01.01.-31.12.2017. godine kako je podnesen.

#### **Ad 7) Prijedlog Odluke o usvajanju Regulacionog plana “Bojnik II” s Prijedlogom Odluke o provođenju Regulacionog plana “Bojnik II”**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte, te da su izvještaji radnih tijela dostupni gradskim vijećnicima.

U raspravi je sudjelovao **gradski vijećnik Vibor Handžić.**

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 20 glasova “za”, bez glasova “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), usvojilo je Odluku o usvajanju Regulacionog plana “Bojnik II” s Odlukom o provođenju Regulacionog plana “Bojnik II” kako je predložena.

#### **Ad 8) Prijedlog Odluke o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da su materijal razmatrali Odbor za društvene djelatnosti i Komisija za Statut i akte, a da su izvještaji radnih tijela dostupni gradskim vijećnicima. Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, bez rasprave, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Odluku o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima kako je predložena.

#### **Ad 9) Izvještaj o provođenju Odluke o utvrđivanju sportskih manifestacija od značaja za Grad Sarajevo u 2017. godini**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izvještaj podnio Gradonačelnik, da su materijal razmatrali Odbor za društvene djelatnosti i Komisija za Statut i akte, a da su izvještaji radnih tijela dostupni gradskim vijećnicima. U raspravi su sudjelovali **gradski vijećnik Adnan Gušo, gradski vijećnik Nuko Grebović i gradski vijećnik Samir Fazlić.**

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 20 glasova “za”, bez glasova “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), na prijedlog Odbora za društvene djelatnosti, usvojilo je sljedeći zaključak:

**Zadužuje se Gradonačelnik da, tokom godine, preispita važeći propis i predloži rješenje za poboljšanje stanja, te, ukoliko to ocijeni potrebnim, predloži Gradskom vijeću, u redovnoj proceduri, Odluku o utvrđivanju sportskih manifestacija od značaja za Grad Sarajevo kojom će se odrediti i redefinirati kriteriji i procedura za finansiranje sportskih manifestacija od interesa za Grad Sarajevo, a u smislu razrade utvrđene politike i planiranja povećanja sredstava za provođenje takvog propisa u Dokumentu okvirnog budžeta za naredno razdoblje.**

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, jednim glasom “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), usvojilo je Izvještaj o provođenju Odluke o utvrđivanju sportskih manifestacija od značaja za Grad Sarajevo u 2017. godini kako je podnesena.

**Ad 10) Informacija JP „Sarajevo“ d.o.o. o namjenskom korištenju prostora Vijećnice za period 01.01. – 31.12.2017. godine**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je informaciju, u skladu s Programom rada Gradskog vijeća Grada Sarajeva za 2018. godinu, dostavilo JP „Sarajevo“, d.o.o., da su materijal razmatrali Odbor za društvene djelatnosti (koji je uputio inicijativu Gradskom vijeću), Administrativna komisija, te Komisija za Statut i akte (u formi izvještaja), kao i da su izvještaji radnih tijela dostupni gradskim vijećnicima.

U raspravi je sudjelovao **gradski vijećnik Samir Fazlić**.

**Predsjedavajući Gradskog vijeća Igor Gavrić je konstatirao da je Gradsko vijeće Grada Sarajeva primilo k znanju Informaciju JP „Sarajevo“ d.o.o. o namjenskom korištenju prostora Vijećnice za period 01.01. – 31.12.2017. godine kako je podnesena.**

**Ad 11) Informacija o upisu učenika u srednje škole sa područja Grada Sarajeva u školskoj 2017./2018. godini**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je informaciju dostavio Gradonačelnik, da je materijal razmatrao Odbor za društvene djelatnosti, te da je izvještaj radnog tijela dostupan gradskim vijećnicima.

**Predsjedavajući Gradskog vijeća Igor Gavrić je konstatirao da je Gradsko vijeće Grada Sarajeva primilo k znanju Informaciju o upisu učenika u srednje škole sa područja Grada Sarajeva u školskoj 2017./2018. godini kako je podnesena.**

**Ad 12) Informacija o spolnoj strukturi Gradskog vijeća i radnih tijela Gradskog vijeća i drugih organa i tijela koje imenuje Gradsko vijeće Grada Sarajeva sa Informacijom Gradonačelnika o zastupljenosti spolova u organima i tijelima Grada Sarajeva i gradskim preduzećima**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je informaciju formalno podnio Predsjedavajući Gradskog vijeća, ali da ona sadrži i podatke Gradonačelnika, vezane za spolnu strukturu uposlenih u Gradskoj upravi.

Podsjetio je da je materijal razmatrala Komisija za jednakopravnost spolova, te da je izvještaj radnog tijela dostupan gradskim vijećnicima.

Uvodne napomene, u funkciji ovlaštenog predlagagača, dao je **Predsjedavajući Gradskog vijeća Igor Gavrić**.

U raspravi je sudjelovao **gradski vijećnik Vibor Handžić**.

**Predsjedavajući Gradskog vijeća Igor Gavrić je konstatirao da je Gradsko vijeće Grada Sarajeva primilo k znanju Informaciju o spolnoj strukturi Gradskog vijeća i radnih tijela Gradskog vijeća i drugih organa i tijela koje imenuje Gradsko vijeće Grada Sarajeva sa Informacijom Gradonačelnika o zastupljenosti spolova u organima i tijelima Grada Sarajeva i gradskim preduzećima kako je podnesena.**



**Ad 13) Informacija o učincima ulaganja u organizaciju javnog dočeka za prethodne tri nove godine (2018., 2017. i 2016.)**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju dostavio Gradonačelnik, da su materijal razmatrali Odbor za lokalni biznis i turizam i Odbor za društvene djelatnosti (koji je uputio inicijativu Gradskom vijeću), te da su izvještaji radnih tijela dostupni gradskim vijećnicima.

**Gradonačelnik Abdulah Skaka** je najvio uvodno izlaganje koje je podnijela **Maja Arslanagić Kalajdžić, profesor na Ekonomskom fakultetu Univerziteta u Sarajevu**, u ime Ekonomskog instituta u Sarajevu, obrađivača materijala.

U raspravi su svojim stavovima, mišljenjima, odnosno pitanjima, sudjelovali **gradski vijećnik Miroslav Živanović** koji je iznio konkretan prijedlog za zaključivanje, **gradski vijećnik Adnan Talić**, a odgovore na pitanja i dodatna obrazloženja dala je **Maja Arslanagić Kalajdžić, predstavnica Predlagača**. Raspravu su nastavili **gradski vijećnik Samir Fazlić i gradski vijećnik Vibor Handžić**.

Poslije rasprave i sažetka **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila), na prijedlog gradskog vijećnika Miroslava Živanovića, usvojilo je sljedeći zaključak:

**Gradsko vijeće upućuje Gradonačelnika da inicira i proaktivno djeluje, s ciljem strateškog pozicioniranja i brendiranja Sarajeva kao prepoznatljive destinacije na turističkoj karti svijeta tokom cijele godine, a putem dogovora o zajedničkom strateškom opredjeljenju i sufinansiranju budućih aktivnosti Kantona Sarajevo, odnosno Turističke zajednice Kantona Sarajevo, sa Gradom Sarajevom koji bi preuzeo vodeću ulogu u realizaciji određenih aktivnosti tokom godine, na način kako to radi pri organizaciji javnog dočeka Nove godine.**

Poslije rasprave i sažetka **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), na prijedlog Odbora za lokalni biznis i turizam, usvojilo je sljedeći zaključak:

**Zadužuje se Gradonačelnik da, u saradnji s gradskim općinama, razmotri mogućnost kvalitetnijeg finansiranja manifestacije dočeka Nove godine u Sarajevu, a pogotovo iz općina na čijem području se održavaju aktivnosti u okviru ove manifestacije.**

Zatim je **Predsjedavajući Gradskog vijeća Igor Gavrić konstatirao da je Gradsko vijeće Grada Sarajeva primilo k znanju Informaciju o učincima ulaganja u organizaciju javnog dočeka za prethodne tri nove godine (2018., 2017. i 2016.) kako je podnesena.**

**Ad 14) Vijećnička pitanja i inicijative.**

- 1. Predsjedavajući Gradskog vijeća Igor Gavrić** je podsjetio gradske vijećnike da je **gradski vijećnik Bajro Biber**, na 11. sjednici Gradskog vijeća, usmeno uputio i najavio dostavljanje **inicijative** u pisanoj formi koja je i dostavljena u pripremi ove sjednice Gradskog vijeća, a kojom je predložio Gradskom vijeću donošenje određenog zaključka.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 16 glasova “za”, bez glasova “protiv” i

bez “suzdržanih” glasova prisutnih gradskih vijećnika (tri gradska vijećnika se nisu izjasnila), na prijedlog gradskog vijećnika Bajre Bibera, razmotrilo je podnesenu inicijativu i usvojilo sljedeći zaključak:

**Gradsko vijeće Grada Sarajeva sugerira Vladi Kantona Sarajevo da preispita Uredbu kojom je određeno da sva javna preduzeća, odnosno subjekti, kojima je osnivač Kanton Sarajevo, moraju za prijevoz na posao, isključivo, koristiti javni gradski prijevoz KJKP „GRAS“, d.o.o. Sarajevo, čime narušavaju pravo građana da koriste komercijalni ili vlastiti prijevoz.**

**Pored navedenog, ukazuje se Vladi Kantona i na posljedice druge vrste, budući da se obavezom kupovanja kupona za javni prijevoz, utvrđenom ovom uredbom, provocira i mogućnost nezakonite preprodaje kupona koje građani ne žele koristiti.**

2. **Odbor za društvene djelatnosti** je uputio **inicijativu** u pisanoj formi kojom je predložio Gradskom vijeću donošenje određenog zaključka.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, bez rasprave, **jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), na prijedlog Odbora za društvene djelatnosti, usvojilo je sljedeći zaključak:

**Upućuje se zahtjev JP „Sarajevo“, d.o.o, da među muzejskim postavkama u Vijećnici, bude zastupljen i prostor u kome će se predstaviti kontekst i značaj Dana Grada Sarajeva, a s ciljem ukupne promocije Grada.**

3. **Odbor za društvene djelatnosti** je uputio **inicijativu** u pisanoj formi kojom je predložio Gradskom vijeću donošenje zaključka, a koja je glasila kako slijedi.

Odbor za društvene djelatnosti upućuje inicijativu Gradskom vijeću da zaduži Skupštinu JP „Sarajevo“, d.o.o. Sarajevo da preispita odluku o ustupanju na korištenju prostora Vijećnice, tako da sadržaji budu primjereni dignitetu Vijećnice, a da se, iz drugih prihoda Grada Sarajeva, osiguraju nedostajuća sredstva za troškove upravljanja Vijećnicom.

U raspravi o podnesenoj inicijativi, sudjelovali su **gradski vijećnik Miroslav Živanović, gradski vijećnik Adnan Gušo i Predsjedavajući Gradskog vijeća Igor Gavrić**, a odgovore na pitanja i određena obrazloženja dao je **direktor JP „Sarajevo“, d.o.o Esad Tanović**.

Poslije rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, izjasnivši se sa četiri glasa “za”, devet glasova “protiv” i uz četiri “suzdržana” glasa prisutnih gradskih vijećnika (dva gradska vijećnika se nisu izjasnila), nije usvojilo zaključak na prijedlog Odbora za društvene djelatnosti.

4. **Odbor za društvene djelatnosti** je uputio **inicijativu** kako slijedi.

Odbor za društvene djelatnosti upućuje inicijativu Gradskom vijeću da aktualizira inicijativu Gradskog vijeća iz ranijeg saziva, da se u Program obilježavanja Dana Grada Sarajeva za ubuduće uvrsti i održavanje turnira u boksu kojim se svake godine obilježava osvajanje prve medalje na Mediteranskim igrama 1993. godine za Bosnu i Hercegovinu.

**Predsjedavajući Gradskog vijeća Igor Gavrić** je upoznao Gradsko vijeće da je inicijativa realizirana, odnosno da je Organizacioni odbor za pripremu i realizaciju Programa obilježavanja Dana Grada Sarajeva u 2018. godini uvrstio ovaj turnir u Program.

5. **Odbor za informatiku i telematiku** je uputio **inicijativu** u pisanom obliku u kojem predlaže donošenje zaključka kojim bi Gradsko vijeće dalo Gradonačelniku određena zaduženja vezano za izradu Strategije "Sarajevo pametni grad" odnosno stvaranje uvjeta da se Grad Sarajevo za sljedeću godinu prijavi na konkurs za sredstva fonda u okviru Programa za istraživanje i razvoj Evropske komisije za razdoblje 2014-2020 "Horizon 2020 - Smart Cities and Communities lighthouse projects".

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 15 glasova "za", jednim glasom "protiv" i uz jedan "suzdržan" glas prisutnih gradskih vijećnika (jedan gradski vijećnik se nije izjasnio), na prijedlog Odbora za informatiku i telematiku, usvojilo je sljedeći **zaključak**:

**Zadužuje se Gradonačelnik da osigura organizacijske, kadrovske i materijalno finansijske uvjete da se projekt, odnosno informacije potrebne za popunjavanje aplikacije za pripremu prijave Grada Sarajeva na konkurs „Horizon 2020 - Smart Cities and Communities lighthouse projects" za finansiranje projekta u Gradu Sarajevu za sljedeću godinu, pripremi tokom tekuće godine, kako bi se Grad Sarajevo mogao prijaviti na konkurs koji će biti otvoren krajem godine za narednu godinu. Osnova, odnosno preduvjet za izradu ovog projekta, je Strategija „Sarajevo pametni grad".**

U prvom koraku u realizaciji ove inicijative, potrebno je da Gradonačelnik predloži Gradskom vijeću odluku o formiranju radne grupe i djelokrugu grupe za izradu Strategije „Sarajevo pametni grad", a prema kriterijima navedenim u ovoj inicijativi i to kako slijedi.

**Djelokrug radne grupe:**

- donošenje poslovnika o svom radu;
- predlaganje stručnjaka za nosioca izrade Strategije „Sarajevo, pametni grad";
- vršenje monitoringa nad izradom Strategije;
- uspostavljanje saradnje i uključivanje svih relevantnih fizičkih i pravnih subjekata kojih se tiče ova Strategija na direktan ili indirektan način, među kojima prvenstveno treba biti zastupljena akademska zajednica, te javna preduzeća i drugi domaći i međunarodni privredni subjekti koji posluju u BiH putem registriranih poslovnica i koji se bave razvojem "pametnih" rješenja, zatim nevladin sektor, neformalne grupe građana i slično.

**Sastav radne grupe:**

- tri predstavnika Odbora za informatiku i telematiku Grada Sarajeva,
- tri predstavnika Gradske uprave Grada Sarajeva,
- dva predstavnika iz javnog ili privatnog sektora, a koji su u direktnom dodiru sa pametnim tehnologijama i pametnim rješenjima i
- jednog predstavnika nevladinog sektora.

6. **Odbor za društvene djelatnosti** je uputio **inicijativu**, kojom je predložio Gradskom vijeću donošenje određenog zaključka koji je **dopunjen prijedlogom Odbora za lokalni biznis i turizam**.

„Odbor za društvene djelatnosti upućuje inicijativu Gradskom vijeću da zaduži Gradonačelnika da predloži Gradskom vijeću strateške smjernice za djelovanje Grada Sarajeva svojim resursima, s ciljem promocije turističke ponude Grada Sarajeva putem projekata Grada Sarajeva tokom cijele godine, a na način kako je to prezentirano u Informaciji o učincima ulaganja u organizaciju javnog dočeka za prethodne tri nove godine (2018., 2017. i 2016.) vezano za doček Nove godine”.

Odbor za lokalni biznis i turizam je predložio da se inicijativa dopuni tako da se navede da jedna od aktivnosti, inicirana aktom Odbora za društvene djelatnosti, bude, naprimjer, koncert u organizaciji Grada Sarajeva, kao događaj kojim se zatvara ljetno festivalsko vrijeme u Sarajevu (vrijeme SFF-a, Bašćaršijskih noći i dr.).

U raspravi o podnesenoj inicijativi sudjelovao je **Gradonačelnik Abdulah Skaka**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, nakon rasprave, **jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je sljedeći **zaključak**:

**Zadužuje se Gradonačelnik da predloži Gradskom vijeću strateške smjernice za djelovanje Grada Sarajeva svojim resursima, s ciljem promocije turističke ponude Grada Sarajeva, putem projekata Grada Sarajeva tokom cijele godine, a na način kako je to prezentirano u Informaciji o učincima ulaganja u organizaciju javnog dočeka za prethodne tri nove godine (2018., 2017. i 2016.) vezano za doček nove godine.**

**Jedna od aktivnosti bi mogla biti koncert u organizaciji Grada Sarajeva, kao događaj kojim se zatvara ljetno festivalsko vrijeme u Sarajevu (vrijeme SFF-a, Bašćaršijskih noći i dr.).**

7. **Predsjedavajući Gradskog Igor Gavrić**, u povodu prezentacije JP „Sarajevo“ d.o.o, vezano za određivanje cijene vozne karte za žičaru, uputio je **inicijativu** sljedećeg sadržaja.

Gradsko vijeće Grada Sarajeva, putem prezentacije JP “Sarajevo” d.o.o, upoznato je i podržava namjeru nadležnih u ovom javnom preduzeću, da, na početku rada, utvrde cijene prevoznih karata za „Trebevičku žičaru“ tako da bude utvrđena niža cijena za građane Sarajeva i Bosne i Hercegovine, u odnosu na strane goste, budući da je Grad Sarajevo kao investitor, pored donatorskih, uložio velika sredstva iz Budžeta Grada Sarajeva u izgradnju, odnosno obnovu, ovog značajnog infrastrukturnog objekta i simbola Grada Sarajeva.

Gradsko vijeće Grada Sarajeva će uputiti JP “Sarajevo” d.o.o. izvod iz tonskog zapisa sjednice Gradskog vijeća sa diskusijama gradskih vijećnika u povodu iznesene prezentacije, kako bi ih nadležni organi JP “Sarajevo” d.o.o. mogli razmotriti i eventualno iskoristiti iznesene ideje, odnosno preporuke, pri formiranju cijene karata na samom početku rada žičare, ali i poslije analize rezultata, nakon određenog perioda funkcije žičare.

U raspravi o podnesenoj inicijativi sudjelovali su **Gradonačelnik Grada Sarajeva Abdulah Skaka i Predsjedavajući Gradskog vijeća Igor Gavrić**.

Poslije rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, većinom glasova, izjasnivši se sa 15 glasova “za”, bez glasova “protiv” i uz tri “suzdržana” glasa prisutnih gradskih vijećnika, podržalo je podnesenu inicijativu, te je ona postala inicijativom Gradskog vijeća.

**8. Gradski vijećnik Toni Vukadin je uputio vijećničko pitanje sljedećeg sadržaja.**

Potrebno je da organ koji ima informacije, za sljedeću sjednicu pripremi odgovor na pitanje na koji način će se riješiti problem parkiranja u funkciji pristupa, očekivano velikog broja korisnika, polaznoj stanici sarajevske žičare, odnosno, planira li se uređenje parkirališta preko puta Vijećnice na drugoj obali Miljacke.

**Gradski vijećnik Adnan Talić** je, kasnije, u raspravi upoznao gradske vijećnike sa određenim informacijama vezanim za postavljeno vijećničko pitanje.

**9. Gradski vijećnik Samir Fazlić je uputio vijećničko pitanje sljedećeg sadržaja.**

Budući da je u Budžetu Grada Sarajeva za 2017. godinu bilo planirano 100.000,00 KM za rekonstrukciju fasade Historijskog muzeja u Sarajevu, potrebno je, za sljedeću sjednicu, pripremiti pisani odgovor o tome u kojoj fazi je priprema, odnosno realizacija ovog projekta i kad bi se mogla očekivati rekonstrukcija fasade.

**10. Gradski vijećnik Samir Fazlić je uputio vijećničko pitanje sljedećeg sadržaja.**

Budući da se u medijima već duže vrijeme pojavljuju natpisi o poništenju konkursa za zapošljavanje određenog broja službenika u Gradskoj upravi Grada Sarajeva, u vrijeme mandata gradonačelnika Komšića, a Gradsko vijeće, kroz Izvještaj Pravobranilaštva, o tome nije dobilo informacije, potrebno je da Pravobranilaštvo Grada Sarajeva, za sljedeću sjednicu Gradskog vijeća, dostavi informaciju o ovom slučaju, odnosno procesu koji se odvija pred Sudom i traje već četiri godine, a koji su pokrenuli ljudi koji su aplicirali na, kasnije poništen konkurs.

U raspravi o upućenom pitanju sudjelovali su **Pravobranilac Grada Sarajeva Sanjin Smajlović** i **gradski vijećnik Samir Fazlić**, te je **Predsjedavajući Gradskog vijeća Igor Gavrić** konstatirao da će Pravobranilaštvo Grada Sarajeva pripremiti i dostaviti traženi pisani odgovor na postavljeno pitanje.

\*\*\*

**Gradski vijećnik Vibor Handžić je iznio diskusiju sljedećeg sadržaja.**

Na sjednici Organizacionog odbora za pripremu i realizaciju Programa obilježavanja 6. aprila Dana Grada Sarajeva bilo je dogovoreno da će gradskim vijećnicima, na 14. sjednici Gradskog vijeća biti uručen Protokol odavanja počesti i polaganja cvijeća i Program obilježavanja Dana Grada Sarajeva sa svim manifestacijama koje će se održati u povodu obilježavanja 6. aprila kako bi gradski vijećnici mogli organizirati svoje aktivnosti u narednom periodu, a posebno za 05. i 06. april. Međutim to nije učinjeno.

**Predsjedavajući Gradskog vijeća Igor Gavrić** je upoznao gradske vijećnike da je Stručna služba Gradonačelnika, pred početak sjednice Gradskog vijeća, upozнала Predsjedavajućeg da svi elementi Programa još uvijek nisu mogli biti precizirani, te da će biti dostavljen gradskim vijećnicima čim bude potvrđen konačan sadržaj Programa.

\*\*\*

**11. Gradski vijećnik Vibor Handžić je uputio vijećničko pitanje sljedećeg sadržaja.**

Potrebno je da Gradonačelnik za sljedeću sjednicu Gradskog vijeća pripremi informaciju o procesu koji se vodi pred Ustavnim sudom Federacije BiH, koji je pokrenuo Grad Sarajevo, a

vezano za odredbe Zakona o prostornom uređenju Kantona Sarajevo kojima je nadležnost za donošenje regulacionih planova prenesena na gradske općine.

**12. Gradski vijećnik Vibor Handžić je uputio inicijativu sljedećeg sadržaja.**

Upućuje se inicijativa Kolegiju Gradskog vijeća da predloži izmjenu i dopunu Programa rada Gradskog vijeća Grada Sarajeva za 2018. godinu tako da se u Program uvrsti razmatranje, odnosno donošenje, u redovnoj proceduri, gradskih propisa kojima će se utvrditi manifestacije u oblasti kulture, odnosno sporta od značaja za Grad Sarajevo i način podrške Grada Sarajeva ovim manifestacijama.

U raspravi o podnesenoj inicijativi sudjelovali su **predsjedavajući Gradskog vijeća Igor Gavrić i gradski vijećnik Vibor Handžić.**

\*\*\*

**Predsjedavajući Gradskog vijeća Igor Gavrić** je upoznao Gradsko vijeće da je, pred početak sjednice, inicijativu uputio gradski vijećnik Nihad Uk, a vezano za uspostavljanje čitaonice u Vijećnici, te da će ova inicijativa biti dostavljena uz poziv za sljedeću sjednicu Gradskog vijeća kako bi se gradski vijećnici mogli upoznati s inicijativom prije izjašnjavanja.

\*\*\*

**Predsjedavajući Gradskog vijeća Igor Gavrić** je zatim zaključio rad 14. sjednice Gradskog vijeća Grada Sarajeva i najavio održavanje 15. sjednice Gradskog vijeća u srijedu, 25.04.2018. godine.

Zatim je podsjetio gradske vijećnike na manifestaciju obilježavanja Dana Grada Sarajeva, te na Svečanu sjednicu Gradskog vijeća.

Na kraju je uputio čestitke u povodu nadolazećeg Uskrsa, odnosno Vaskrsa.

*Sjednica Gradskog vijeća Grada Sarajeva je završena u 14 sati i 39 minuta.*

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA  
Safet Krajišnik,s.r.*

*PREDSJEDAVALJUĆI GRADSKOG VIJEĆA  
Dr. Igor Gavrić,s.r.*